



Inatsisartunut ilaasortaq,
Jens Napätök', Partii Naleraq
Maani/

§ 37 naapertorlugu apeqqutip nr. 2013_2019-ip nannut pillugit nalunaarut taavalu nunanut allanut nannut amianik nioqquteqarneq pillugu akineqarnera

Inatsisartut suleriaasianni § 37, imm. 1 naapertorlugu *nalunaarut kiisalu nannunit nioqqutissianik avammut nioqquteqarsinnaanermut periarfissat pillugit Naalakkersuisunut apeqquteqarputit*. Apeqqutit suliasaqarfigisannit akineqartussanngorlugit innersuunneqarput.

1. Naalakkersuisut nannut pillugit nalunaarutip allanngortinniarlugu pilersaaruteqarpat?

1-mut: Naamik. Ukioq kingulleq nannunik illersuineq piniarnerlu pillugit nalunaarut annertuumik iluarsaanneqarpoq uumasooqatigiinnullu isumannaatsumik aqutsinermut aalajangersakkanik tunngavilersuutinillu pisariaqartunik imaqarluni. Nalunaarut nutaaq septembari 2018-imi Naalakkersuisunit akuersissutigineqarpoq.

2. Naalakkersuisut nannut amii pillugit Kalaallit Nunaata avataanut niuernissaq eqqarsaatigalugu pilersaaruteqarpat?

2-mut: Naamik, Naalakkersuisut nannut amii Kalaallit Nunaata avataanut niuerutigissallugit pilersaaruteqanngillat, uku peqqutigalugit:

Maannakkut nannut IUCN-ip (Nunarsuaq tamakkerlugu Pinngortitalik illersuineramik kattuffik) Rødliste-ani ernumanartutut nalilerneqarnikuupput. Taassuma saniatigut aamma nanoqatigiit Washington-imi Isumataqatigiisummi (CITES) allattuiffik II-mi inissisimallutik. Pinngortitaleriffiup naliliineranni "Innarliinerunngitsumik sunniineq" (NDF) uumasooqatigiit inissisimanerannut aqunneqarnerannullu pissutsit peqqutaallutik Kalaallit Nunaanni nanoqatigiinniit nannunik tunisassanik nunanut allanut annissuinissaq akuerineqanngilaq. 2006-imiilli Naalakkersuisut nammineq aalajangikkamik nannunik avammut tunisassanik peqqutit qulaani taaneqartut pissutigalugit unitsitsinikuupput. Tunumi nannut kisinneqarnerat maannakkut utaqqineqarpoq, taassumallu kingorna nutaamik naliliisoqarsinnaassalluni.

Pingaaruteqarpoq erseqqissassallugu siunissami nunanut allanut niuernerq ammarneqassappat imminut illersorniarluni nannuttarnerit ilanngaataasalissanersut eqqarsaatersuuteqarfigissallugu, taakku aamma nanoqatigiinniit ilanngaataammata. Ilisimatuussutsikkut inassuteqaatinit amerlanerusunik pisassiissuteqarneq CITES NDF-imik naliliisoqarsinnaassanngilaq, tamannalu nunanut allanut niuerneramik periarfissinngilaq.

Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalakkersuisoq

Ulloq: 4-07-2019
Suliap normua 2019-14850
All. nr.: 11038395

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl



partii naleraq

Inatsisartut suleriaasiat § 37 malillugu immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara.

Naalakkersuisunut apeqquut:

1. **Naalakkersuisut nannut pillugit nalunaarutip allanngortinniarlugu pilersaaruteqarpat?**
2. **Naalakkersuisut nannut amii pillugit Kalaallit Nunaata avataanut niuernissaq eqqarsaatigalugu pilersaaruteqarpat?**

(Inatsisartunut ilaasortaq, Jens Napātôk', Partii Naleraq)

Tungavilersuut:

Kalaallit Nunaanni nannut pillugit nalunaarutip nutartinneqarnissaa pisariaqarluinnalersutut Partii Naleqqamiit isumaqarfigineqarpoq. Nannut amerlavallaartut illoqarfiit nunaqarfiillu qanitaannut ilaatigut illoqarfittaannut tikeraartarnerat tikissinnaasalernerat aarleqqutigineqarpoq, tamassumalu kingunerisariaqaraluarpaa nalunaarutip nutarterneqarnissaanik. Illoqarfimmi nunaqarfinilu ulluinnarni innuttaasut toqqissisimasumik aammalu eqqissisimasumik inuuneqarnissaat pisariaqarmat

Apeqquutit ullut qulit suliffiusut iluani akineqarnissaat kissaatigaara

Inatsisartunut ilaasortaq Jens Napātôk'

Imaneq 1, Postboks 4120, 3900 Nuuk, E-mail.: jnaap@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866